

## **ULWESIHLANU OLUMNYAMA – UKUHLUPHEKA KWENKOSI YETHU UJESU KRISTO Imikhuleko nemizindlo emndenini**

### **ISINGENISO**

Njengoba sigubha ukuHlupheka kukaJesu silalela neVangeli likaJohannes esilandisa ngokuhlupheka nokufa, sikhunjuzwa ngokungabi nabulungiswa obuphazamisa umhlaba wethu. Ezikhathini eziningi lezizindlela zengcindezelo, ukuzonda, nokwesaba, izinto ezivamile emhlabeni kangangokuthi asisazinaki. ULwesihlanu oluMnyama luyinto esikhumbuzayo ngokwenzeka ngempela. Kulula ukudikibala, sibone imisebenzi ekumele yenziwe kodwa siyishalazele singayinaki. Namuhla siyakhuleka ukuthi sibe nonembeza sibone, sibe nesibindi sokwenza, sikhumbula ukuthi ukufa akukaze kuphumelele. Impilo nothando kuyanqoba njalo kuKristo.

Ngokosiko uhlelo IweNkonzo IwangoLwesihlanu oluMnyama luqukethe izinto ezintathu ezibalulekile: ukufundwa keZwi likaNkulunkulu, ikakhulu iVangeli likaJohannes, ukukhuleka

kwethulwa izinxuso ezikhethekile, nokudunyisa kwesiPhambano esiyiNgcwele. Okunye nokunye kwalezizinto kungena ngokugcwle ebudlewaneni bethu noKristo kusivuselele ukuthi sikhuleke, sisebenzele iBandla nomhlaba.

### **INkonzo eKhaya**

#### **Ukulungiselela:**

*Lungisa itafula, lembozwe ngendwangu emhlophe, leli sekuzokuba iLathi lemigubho . Etafuleni beka iSiphambano (Uma ungenaso ungabeka umfanekiso onesiphambano ) amakhandlela amabili akhanyisiwe, neBhayibheli. Lapha ilapho umndeni uzohlanganelo khona njalo uma ukhuleka.*

*Abomndeni bayakhetha ukuthi ngobani abazofunda iNdaba yokuHlupheka kukaJesu ngokuloba kukaJohannes uMvngeli (Jn 18:1-19:42) – kudingeka abantu abane noma abathathu abazofunda: owokuqala ufunda indawo kajesu, owesibili uyachaza, owesithathu isikhulumi sokuqala, owesine izikhulumi eziningi, (unamba 3no4 bangahlanganiswa)izinxuso zingensiwa abantu ababili, owokuqala uyazethula izinxuso, owsibili uyazifunda njalo emva kokuthula imizuzwana.*

Nikhethe ozophatha isiphambano ngesikhathi sokudumisa, nioxisane nangendalela enizokwenza ngayo.

#### **Umgubho wokuhlupheka kukaKristo uqala lapha:**

***Uma bonke sebehlangene bezungeze itafula lomndeni leli esithe iLathi, umholi uthandaza lomthandazo olandelayo***

#### **Umkhuleko wokuvula:**

**Nkosi yoDumo,**

**Simemezela ukufa kwakho, sibheke ukuVuka Kwakho.**

**Njengoba sizindla ngeSiphambano sakho, umuthi owalenga kuwo ukuze thina sithole ukuphila, senze sazi ngokuphila okuvela ekufeni, ukukhanya okuvela ebumnyameni, nethemba elixosha ukwesaba. Sidonsele kuwe, ukuze sazi udumo isiphambano sakho esilikhombisa lona. Konke lokhu sikucela ngoKristo iNkosi yethu. Amen.**

***Manje, labo abakhetheliwe ukufunda iNdaba yokuHlupheka kukaJesu mabeze ngaphambili ukuMemezela.  
Bonke abantu mabahlale phansi ngesikhathi kufundwa iNdaba yokuHlupheka kukaJesu, makufikwa emagameni athi “Kufeziwe, agebise ikhanda adedele umoya” – bonke bayaguqa kuthulwe isikhashana.***

## **Indaba yokuHlupheka kweNkosi yethu uJesu Kristo ngokuka Johannes: Johannes 18:1-19:42**

*The text of the passion of Jesus in English, can be found in the internet: link:*

<http://www.ibreviary.com/m/preghiere.php?tipo=Rito&id=541>

**Emva kokufunda iNdaba yokuHlupheka kukaJesu, bonke bahlala phansi bazindle, mhlawumbe  
omunye womndeni angathanda ukwabelana nabanye ngakuzwile okumtintile**

### **IZINXUSO EZIQONDENE**



#### **Umholi: I. Asikhulekele iBandle**

Masikhuleke, bazalwane abathandekayo, sikhulekele iBandla likaNkulunkulu, ukuthi uNkulunkulu neNkosi yethu enamele ukulipha uxolo, alivikele, alihlanganise emhlabeni wonke, yenza ukuthi lihole izimpilo zethu ekuthuleni noxolo, sidumise uNkulunkulu uBaba uMnimandla onke.

#### **Omunye umuntu:**

Nkulunkulu ophila njalo-Mnini mandla onke, othe kuKristo waveza udumo lonke kuzo zonke izizwe, bheka imisebenzi yesihawu sakho, ukuthi iBandla lakho, lisabalale emhlabeni wonke, libekezele ngesineke okholweni ekuvumeni igama lakhe. NgoKristo iNkosi yethu.

R. Amen.

#### **Umholi: II. Ukukhulekela uPhapha**

Asikhulekele uPhapha wethu uFrancis, ukuthi uNkulunkulu iNkosi yethu, owamkhethela ebuHolini babaBhishobhi, makamvikele amgcinele iBandla leNkosi aholele aBantu bakaNkulunkulu ekucwebeni.

#### **Omunye umuntu:**

Nkulunkulu ophila njalo-Mnini mandla onke, izinto zonke zadalwa ngokomthetho wakho, bheka imikhuleko yethu ngozwelo, kuthi ngesihawu sakho uvikele uPhapha owasikhethela yena, kuthi amaKristo aphansi kwakhe, aholwe nguwe uMenzi wabo, bakhule ngokwezinuzelo zokholo lwabo. NgoKristo iNkosi yethu.

R. Amen.

#### **Umholi: III. Asikhulekele bonke abasezigabeni zobupriste namakholwa onke**

Asikhulekele uMbhisobhi wethu uStanley Dziuba, ababhisobhi bonke, abaPriste, namaDikoni weBandla namakholwa onke.

#### **Omunye umuntu:**

Nkulunkulu ophila njalo-Mnini mandla onke, okuthi ngoMoya wakho, wonke uMzimba weBandla uholwa futhi ucwetshiswe, yizwa imikhuleko yethu sikhulekela izinceku zakho sithobile, ukuthi, ngesipho segrasia lakho, sengathi bonke bangakukhonza ngokwethembeka. NgoKristo iNkosi yethu.

R. Amen.

#### **Umholi: IV. *Ukukhulekela abalungiselela ukwamukela amaSakramente***

Ake sikhulekele labo abafundelayo bethu,  
ukuthi uNkulunkulu iNkosi yethu avule ngobubanzi izindlebe zezinhlizyo zabo, bese avule amasango wesihawu sakhe, ukuthi bamukele intethelelo ngazo zonke izono zabo ngamanzi wokuzalwa kabusha, nabo futhi, babe munye neNkosi yethu uJesu Kristo.

#### **Omunye umuntu:**

Nkulunkulu ophila njalo, Mninimandla onke,  
Owenza iBandla lakho lithele izithelo ezintsha njalo, yandisa ukuqonda nokholo kulabo bethu abafundelayo, ukuthi, bezalwa kabusha emthonjeni womBhabhadiso bengeze esibalweni sabantwana osekungabakho. NgoKristo iNkosi yethu.

**R.** Amen.

#### **Umholi: V. *Asikhulekele ukubumbana kwamaKristo***

Asikhulekele abafowethu nodadewethu abakholwa kuKristo,  
ukuthi iNkosi uNkulunkulu wethu abenamele, njengoba bephila ngeqiniso, abaqoqe abagcine eBandleni lakhe elinye.

#### **Omunye umuntu:**

Nkulunkulu ophila njalo-Mnini mandla onke,  
oqoqa okuhlakazekile ugcine ndawonye osukuhlanganisile, bheka ngobubele emhlambini weNdodana Yakho, kuthi labo abanikelwe ngoMbhabhadiso munye bahlanganiswe ndawonye ngobuqotho bokholo, beboshe yibhande linye ngothando. ngoKristo iNkosi yethu.

**R.** Amen.

#### **Umholi: VI. *Asikhulekele amajuda***

Asikhulekele abantu abangamaJuda,  
okukubo lapho uNkulunkulu iNkosi yethu yakhulumu kuqala, ukuthi abaphe ukuthuthuka othandweni IweGama lakhe, nokwethembeka esethembisweni saKhe.

#### **Omunye umuntu:**

Nkulunkulu ophila njalo-Mnini mandla onke,  
owenza isethembiso sakho kuAbraham nenzalo yakhe yonke, yizwa ngomusa umkhuleko weBandla laKho, ukuthi abantu bokuqala owabenza babangabakho bangathola ukusindiswa okuphelele.  
NgoKristo iNkosi yethu.

**R.** Amen.

#### **Umholi: VII. *Asikhulekele labo abangakholwa kuKristo***

Ake sikhulekele nalabo abangakholwa kuKristo,  
ukuthi, bekhanyiselwe nguMoya oCwebileyo, nabo, futhi, sengathi bangangena endleleni yensindiso.

#### **Omunye umuntu:**

Nkulunkulu ophila njalo-Mnini mandla onke,  
nikeza labo abangakuvumi ukuthi unguKristo, ukuthi, ngokuhamba phambi kwakho ngezinhlizyo eziqotho, zithole iqiniso nokuthi thina uqobo lwethu, singabambelela ekubeni nothando Iweqiniso siphikelele ekuqondeni ngokugcwele imfihlakalo yokuphila kwakho, yenziwe ukufakaza okuhle kothando lwakho emhlabeni. NgoKristo iNkosi yethu

R. Amen.

#### **Umholi: VIII. Asikhulekele labo abangakholwa kuNkulunkulu**

Asikhulekele labo abangamvumi uNkulunkulu,  
ukuthi, belandela okulungile ngezinhlizyo eziqotho, bathole indlela eya kuNkulunkulu uqobo.

##### **Omunye umuntu:**

Nkulunkulu ophila njalo-Mnini mandla onke,  
owadala bonke abantu ukuze njalo bakufune ngokukufisa, futhi bakuthole, beze baphumule kuwe,  
siyakhuleka yenza ukuthi nakuba kunezivimbezelo eziyingozi sengathi bonke bangabona uthando  
lobubaba nobufakazi obuvezwu yimisebenzi eyenziwa yilabo abakholwa kuwe bese ngentokozo  
bakuvume, Wena Baba noNkulunkulu weqiniso wesintu.

NgoKristo iNkosi yethu.

R. Amen.

#### **Umholi: IX. Asikhulekele labo abenza imisebenzi yomphakathi**

Ake sikhulekele labo abenza imisebenzi yomphakathi,  
ukuthi uNkulunkulu neNkosi yethu ihole imiqondo nezinhlizyo zabo ngokwentando yakho babe  
seqinisweni loxolo nenkululeko yabo bonke.

##### **Omunye umuntu:**

Nkulunkulu ophila njalo-Mnini mandla onke,  
okusezandleni zakho lapho kulele khona izinhlizyo zesintu namalungelo wabantu bonke siyakhuleka,  
bheka ngomusa labo abashaya imithetho nabasiphethe, ukuthi emhlabeni wonke, ukuchuma  
kwesintu, nokuqinisekiswa koxolo, nokukholwa ngokukhululeka sengathi ngokuphiwa nguwe kube  
ngokuvikelekile. NgoKristo iNkosi yethu R. Amen.

#### **Umholi: IXb Asikhulekele abathintwe ubhubhane**

Asikhulekele bonke labo abahlukunyezwe yimiphumela yobhubhane, ukuthi uNkulunkulu uBaba aphe  
abagulayo impilo, aqinise labo ababanakekelayo, aduduze imindeni yalabo abashiywe imihlobo yabo  
aphe insindiso kwabafleyo.

##### **Omunye umuntu:**

Nkulunkulu ophila njalo-Mnini mandla onke,  
Xhasa impilo yesintu ebuthaka, bheka ngozwelo esimweni sabantwana bakho abalusizi, behlupheka  
ngenxa yobhubhane, bakhulule ebuhlungwini babo, qinisa labo ababanakekelayo, yamukela oxolweni  
lwakho labo abafleyo, futhi ngalesisikhathi sobunzima, yenza ukuthi sonke sithole induduzo  
othandweni lwesihawu sakho. NgoKristo iNkosi yethu.

R/. Amen.

#### **Umholi: X. Asikhulekele labo abasebunzimeni**

Asikhulekeni, bathandekayo,  
kuNkulunkulu uBaba uMnininmandla onke, ukuthi ahlanze umuhlabu kubo bonke ububi,  
achithe izigulo, akhiphe indlala, akhulule iziboshwa, axegise izibopho, vikela abasezindleleni,  
abasohambeni oluyingcwele babuye bephephile, unikele ukuphila kwabagulayo, nensindiso  
kwabafayo.

## **Omunye umuntu**

Nkulunkulu ophila njalo-Mnini mandla onke, duduza abashonelwe, qinisa abazabalazayo, sengathi imikhuleko yalabo abakhala besekuhluphekeni noma yikuphi ingafinyelela kuwe, sengathi bonke bangathola ukuthokoza, ngoba esikhathini sokweswela kwabo isihawu sakho siye safika kubo. NgoKristo iNkosi yethu.

R.Amen.



## **Isiphambano esiyingcwele**

**Ukudumisa isiphambano kungenziwa ngezindlela ezahlukene, kususelwa emigubhweni eqondene yeBandla.**

**Umholi weNkonzo angabamba isiphambano asiphakamisele phezulu, ngesikhathi wonke amalunga ekhuleka kuso azindle, enze izenzo ezahlukene ukudumisa njengoba ecabanga. Mhlawumbe ningafisa ukusithinta isiphambano, bakhombise ngenye indlela ukuhlonipha isiphambano, njengokukhothama nokuny...**

**Umholi uyacula noma asho lokhu:**

Nanku umuthi weSiphambano uMsindisi woMhlaba alenge kuwo.

**Bonke: Wozani, sikhuleke.**

**Kungaphindwa kathathu.**

**Ukuphetha lokudumisa nokuzindla, uMndeni ungathandaza leliLitany sicle iNtethelelo:**

**Umholi noma omunye angahola:**

Ngezikhathi lapho singathandanga njengoba kufanele . . .

Baba, thethelela.

Ngezikhathi lapho sitshale ukungabaza esikhundleni sethemba . . .

Baba, thethelela.

Ngezikhathi lapho sibe nomona nomhobholo nokuthathwa yimizwa izinqumo . . .

ngesikhathi senza

Baba, thethelela.

Ngezikhathi lapho sikhuthaze ukwahlukana emphakathi. . .

Baba, thethelela.

Ngezikhathi lapho sizwile izidingo zabanye sangenza lutho . . .

Baba, thethelela.

Ngezikhathi lapho sizahlulele thina nabanye esihlangana nabo .

Baba, thethelela.

Ngezikhathi lapho sidala uqhekeko . . .

Baba, thethelela.

Ngezikhathi lapho singanakanga ukunakekela ikhaya lethu sonke . . .

Baba, thethelela

Ngezikhathi singazilawuli kahle izipho osiphe zona . . .

Baba, thethelela.

Ngeqholo lokuthu uJesu Kristo uzozwa imikhuleko yethu,

Ake sithule umzuzwana sethule imikhuleko esezihliziwayeni zethu (omunye nomunye uthandaza ethulile)

Baba, thethelela.

Baba, thethelela.

**Umkhuleko weNkosi:**

Siqoqela lemikhuleko ndawonye,

Ngokunjalo naleyo esekujulen iwezinhliziyo zethu,

Sikhuleka ngalamazwi uJesu asifundisa wona.

**Baba wethu . . .**

## **Umkhuleko wokuphetha:**

### **Umholi:**


Nkulunkulu woThando,  
 Siyakutusa ngokukhethekile namuhla njengoba sigubha uLwesihlanu oluMnyama.  
 Yiba nathi njengoba siqhubeka nohambo kuleliViki eliyiNgcwele,  
 Ukuthi sizame ukuqondanisa izimpilo zethu neyakho,  
 Sazi ukuthi ukufa akusoze kwaphumelela,  
 Nokthi ukuphila nothando kuyanqoba.  
 Sicela lokhu ngoKristo, iNkosi yethu. Amen.

### **Masituse iNkosi**

**Manje, naphakade.**

***Isiphambano singabekwa etafuleni namkhandlela amabili akhanyayo.***  
***Kukhonjiswana ukuxolelana.....***

**Umndeni ungathandaza indlela yonqamlezo ngokuqhube ka kosuku  
 Namuhla siqala iNOVENA YESIHAWU siyithandaza nsukuzonke kuze  
 kube yiSonto lesiHawu elingomhlaka 19 April**



### **Umkhuleko kaPhapha uFrancis kuMaria ekhuleka ngesikhathi sobhubhane IweGciwane leKhorona**

O Maria, uhlezi ukhazimula endleleni yethu njengophawu Iwensindiso nethemba. Sizilahla kuwe, kuPhila kwabaGulayo, wena owazihlanganisa nezinhlungu zikaKristo umi ngaphansi kwesiphambano, ngokholo oluqinile. Wena, Nsindiso yabantu bakho, sengathi singabuyela entokozweni, nasekubuseni ngemuva kwalessikhathi sokuvivinywa. Sisize, Mame wothando lokuCweba, sibambelele entandweni kaBaba nokuthi senze njengoba siyalelwu nguJesu, othathe ukuhlupheka kwethu, wathwala usizi lwethu ngesiphambano esiholela ekuthokozeni kwasekuvukeni. Amen.

Ngaphansi kokuvikela kwakho, sisinga ukukhuselwa Nina kaNkulunkulu. Ungakudeleli ukuncenga kwethu ngalesikhathi sobunzima, kodwa usisindise ezingozini zonke, O Virigo elidumileyo elihlahlamelisiweyo. Amen.

**OWenu kuKristo, Ngianikhulekela nsukuzonke eMiseni eliyiNgcwele**

*+ Stanislaw Jan Dziuba, OSPPE*

**+ Stanislaw Jan Dziuba, OSPPE**  
**UMbhishobhi weBandla eliKhatholika kwiSifundabhishobhi**  
**saseMzimkulu**

